

Circulo Arubano Pro Arte cu directiva nobo

ORANJESTAD(AAN) -- Den e reunion general anual di miembro di Circulo Arubano Pro Arte, cual a ser teni dialuna 30 di Mei ultimo un directiva nobo a ser eligi cu ta consisti di: presidente M. de L'Isle, vice presidente/tesorero J. Neelman, prome secretaria M. Schwengle Croeze, segunda secretaria R. Westrate y miembronan R. Cabenda, J. Driessen, L. Gonzalez, L. van den Ham y V. Lampe.

Na 1988 Circulo Arubano Pro Arte lo por trece eventonan gracias na e introduccion di e sistema di sponsors.

Seis empresa estableci na Aruba tabata dispuesto pa sponsor e programa anual di 1988 di Circulo Arubano.

Ta trata aki di ABN Bank, Amsterdam Jewelry Center, Garage Cordia, Golden Tulip Hotel & Casino, Superior Tobacco Co y Fatum.

Pa e lunanan venidero e siguiente eventonan ta programa:

Juni 17, 1988; obra teatral di Hulanda presenta pa Cosmic Illusion Productions, "The Meeting" un obra over Martin Luther King,

Juni 19, 1988; koffie concert cu e pianista Estela Olevsky,

Augustus 1988, Luis Quintero, guitarista Venezolano

September 1988, Michael grube, violista

November 1988, Ballet Miembrecia pa persona ta 15 Florin pa aña. Cada miembro ta ricibi un coupon cual ta duna derecho ariba un carchi liber pa un di e eventonan di Circulo Arubano.

Pa Circulo Arubano ta importante pa tin hopi miembro y pa miembronan a bira mas interesante pa ta miembro. Tur evento ta ser anuncia na miembronan via post y door di ser miembro bo ta sigur di ta na altura na tempo di loke ta bin.

Ademas como miembro bo ta apoya e trabao di Circulo Arubano Pro Arte. Pa mas informacion por yama Reny Westrate na telefon 47047.